

Mohd Amirul Kasyful Nur bin Zulkifli

From: Unit Komunikasi Korporat
Sent: Sunday, November 26, 2017 11:25 AM
To: UUM - All Staff; UUM - All Students
Cc: Staf - Pesara UUM
Subject: Tiga Pelajar UUM Rangkul Anugerah Nadi Negara 2017



Unit Komunikasi Korporat
CORPORATE COMMUNICATION UNIT
Universiti Utara Malaysia



26 NOVEMBER 2017 / 07 RABIULAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: UNIFILM

TIGA PELAJAR UUM RANGKUL ANUGERAH NADI NEGARA 2017



UUM ONLINE: Kuala Lumpur - Julung kali dua graduan Universiti Utara Malaysia menerima Anugerah Nadi Negara Kategori Orang Kelainan Upaya (OKU) pada Majlis Anugerah Nadi Negara 2017 di Pusat Dagangan Dunia Putra (PWTC), semalam.

Dua penerima tersebut ialah pelajar OKU fizikal, Meor Muhammad Afif Aiman Abu Bakar dan graduan OKU penglihatan, Harziah Khalid Yunus.

Turut menerima Anugerah Nadi Negara ialah Mohd Ali Faiz Salleh, mantan Yang DiPertua Majlis Perwakilan Pelajar (MPP) 2014/2015.

Menurut Meor Muhammad Afif Aiman yang kini menyambung pengajian di peringkat Doktor Falsafah (Pengajian Antarabangsa), penglibatannya dalam kategori OKU dalam pertandingan adalah pertama kali dan tidak menduga telah membolehkan dia untuk menerima anugerah tersebut.

Katanya, anugerah diberikan itu merupakan satu pemangkin atau "Pushing Factor" buat dirinya untuk lebih melibatkan diri dalam komuniti OKU kerana sebelum ini dia lebih banyak menyertai pertandingan dalam kategori biasa sahaja.

“Saya akan cuba sedaya upaya untuk menginspirasi rakan-rakan dalam komuniti OKU terutamanya dalam pembangunan sahsiah, bukan sekadar menfokuskan kemahiran teknikal.

“Selepas ini, saya ingin menguatkan lagi status komuniti OKU dalam negara ini terutamanya graduan OKU dan memastikan matlamat utama meningkatkan jumlah pelajar OKU ke universiti tercapai,” ujarnya.

Tambahnya lagi, anugerah itu juga membuktikan bahawa Kerajaan mengiktiraf sumbangan siswa OKU sebagai Nadi Negara yang turut membantu dalam pembangunan negara.

Sementara itu, Harziah yang merupakan graduan Sarjana Muda Pentadbiran Perniagaan dan juga penerima Anugerah Emas Canselor pada Konvokesyen Ke-30 UUM lalu melahirkan rasa syukur apabila dipilih menerima Anugerah Nadi Negara Kategori OKU.

“Saya tidak sangka tahun ini sahaja saya menerima banyak anugerah paling berharga buat diri dan keluarga.

“Pengalaman pernah tercicir dalam pelajaran ketika di bangku sekolah menjadi pendorong untuk mencapai kejayaan bermakna pada hari ini,” ujarnya yang berasal dari Ketiau Putatan, Kota Kinabalu, Sabah.

Seramai 25 graduan terdiri daripada graduan daripada UA, universiti swasta, dan graduan lepasan universiti luar negara menerima Anugerah Nadi Negara 2017 yang disampaikan Menteri Pendidikan Tinggi, Dato’ Idris Jusoh.

Dalam ucapan beliau telah merakamkan penghargaan kepada Pergerakan Wanita UMNO di atas jasa dan usaha mewujudkan Anugerah Nadi Negara.

Anugerah Nadi Negara merupakan inisiatif yang diperkenalkan oleh Pergerakan Wanita UMNO sejak 2009 bagi mengiktiraf graduan universiti yang cemerlang dalam bidang akademik, kokurikulum dan kepimpinan.

Naib Canselor, Prof Dato’ Seri Dr Mohamed Mustafa Ishak mengucapkan tahniah kepada semua penerima yang mengharumkan nama UUM.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.